



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 27. Ecclesia Angliæ.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

Sæcul. XII.  
A.C. 1121.

§. XXVII.

*Ecclesia Angliæ.*

*Edm. 6. Nov.* In Anglia, mensè Februario, eodem anno millesimo centesimo vigesimo primo, amplissimus Conventus Episcoporum & Principum celebratus est, ut nova nupta Adelhaidis Regina, Godefridi Comitis Lovaniensis filia, magnifice exciperetur. In quibus Comitibus multum agitata est quæstio de causa duorum Archiepiscoporum Rudolpho Cantuariensi, & Turstaino Eboracensi; is enim a Calisto Papa, illis adjunctis quæ suo loco retulimus, ordinatus, literas sibi faventes obtinuerat, hujusmodi auxiliis, quibus Romæ omnia impetrari poterant. Præcipiebatur vero, ut Turstainus ad possessionem Ecclesiæ suæ Archiepiscopalis admitteretur, addita comminatione excommunicationis in Regem & suspensionis in Archiepiscopum Cantuariensem. Tum lecta sunt privilegia a Pontificibus Romanis Ecclesiæ Cantuariensi concessa, ex quibus dispiciebatur, quam parum hæc nova præcepta æquitati essent consentanea. Nihilominus ne Censuræ contra Regem & Archiepiscopum ferendæ tumultus in Regno cierent, omnes in eam concesserunt sententiam; Turstainus in Angliam reveheretur, recto itinere Eboracum commearet, ea conditione,

*Sup. §. 4.*

ditione, ne extra suam Diocesim ullo Sæcul. XII.  
 officio Episcopali fungeretur, prius A.C. 1121.  
 quam Ecclesiæ Cantuariensi jus suum  
 tribuisset.

Haud multo exinde elapso tempore,  
 Callistus Papa, cum auctoritatem suam,  
 Burdino in potestatem redacto, stabili-  
 tam videret, eadem missis quaquaver-  
 sum Legatis uti cœpit. Præter alios Pe-  
 trum Monachum Cluniacensem, filium  
 Petri Leonis, quo Romanorum nullus po-  
 tentior erat, cum Legati mandatis & po-  
 testate in Galliam, Magnam Britanniam,  
 Hiberniam & Insulas Orcades misit. Su-  
 perest nobis epistola, Beneventi, ultima Callist. ep. i.  
 die Septembris, data, in qua Pontifex 23.  
 Regem Franciæ rogat, ut Petro in illius  
 Principis regno Legatione sua functuro  
 faveat. Ceterum Petrus nominis sui fa-  
 ma Antecessores suos omnes longe supe-  
 rabat, atque in Angliam præmiserat Ab-  
 bates aliosque spectatæ auctoritatis vi-  
 ros, qui ejus adventum prænunciarent;  
 quæ res omnium Anglorum animos su-  
 spendit. At Rex Angliæ Legato obviam  
 procedere jussit Bernardum Episcopum  
 S. Davidis, & quemdam Clericum nomi-  
 ne Joannem, ejus propinquum. His  
 mandatum, ut, freto trajecto, Legatum in  
 Francia adirent, ubi Regis licentiam præ-  
 stolabatur, atque ad Regiam deducerent,  
 adjunctis conditionibus, ut, ex quo pedem  
 in

Sæcul. XII. in Angliam inferret, nec ad ullam Eccle-  
A.C. 1121. siam, nec ad Monasterium diverteret, &  
 suis sumptibus viveret. Ita a Rege ho-  
 norifice quidem exceptus est; sed post-  
 quam itineris sui causam exposuisset, Rex  
 instare bellum adversus Walliæ populos  
 respondit, nec se jam negotio tam gravi,  
 quod Legatus aperuisset, vacare posse.  
 Præterea hanc Legationem nullius pon-  
 deris futuram esse, nisi prius Episcopo-  
 rum, Abbatum, Principumque consensu  
 in totius Regni sui Comitibus firmaretur.  
 Ceterum affirmabat, nunquam quoad  
 ipse viveret se passurum esse, ut viola-  
 rentur consuetudines Majorum suorum,  
 a Papa concessæ, quarum præcipua esset,  
 ne Regnum Angliæ cujuscunque Legati  
 Jurisdictioni subjiceretur. Itaque Pe-  
 trus Leonis Legatus, cum satis intellige-  
 ret, e re sua minime esse cum potentissi-  
 mo Rege jurgari, simpliciter acquievit,  
 & Rex pollicitus, se bona fide ipsius Di-  
 gnitatis augmentum curaturum esse, do-  
 nis, quæ Regiam munificentiam com-  
 mendarent, cumulatum ex Anglia dimi-  
 sit, per eandem viam, qua venerat redi-  
 turum, rebus omnibus, propter quas Le-  
 gationem susceperat, infectis.

## §. XXVIII.

*Petrus Venerabilis, Abbas Cluniacensis.*  
**P**ontius Abbas Cluniacensis, necdum ju-  
 veniles